

ЎЗБЕКИСТОН РЕСПУБЛИКАСИ БОШ ВАЗИРИ
ПРЕМЬЕР-МИНИСТР РЕСПУБЛИКИ УЗБЕКИСТАН

А.Ж.Раматовга,
Дж.А.Кучкаровга, С.Р.Холмурадовга, А.А.Абдухакимовга

Олий ва ўрта махсус таълим вазирлиги (Маджидовга), Молия вазирлиги (Хайдаровга),
Иқтисодиёт вазирлиги (Ходжаевга), Адлия вазирлиги (Давлетовга),
Қорақалпоғистон Республикаси Вазирлар Кенгаши, Тошкент шаҳар ва вилоятлар
хокимликлари, вазирлар ва идоралар раҳбарларига (рўйхат бўйича)

Ўзбекистон Республикаси Президенти Администрациясининг топшириғи (02.11.2018 й., 19598-хх-сон) ижро учун қабул қилинишини сўрайман.

Ўзбекистон Республикаси Президенти Ш.М.Мирзнёев ҳузурида 2018 йил 24 октябрь кuni олий таълим соҳасини янада ривожлантириш масалаларига бағишлаб ўтказилган мажлис баёни ижроси сўзсиз таъминлансин.

Амалга оширилган ишлар юзасидан тегишли маълумотлар белгиланган муддатларда Ўзбекистон Республикаси Вазирлар Маҳкамаси ҳамда Ҳисоб палатасига такдим этиб борилсин.

Олий ва ўрта махсус таълим вазирлиги (Маджидовга) - чақирик,
Молия вазирлиги (Хайдаровга), Иқтисодиёт вазирлиги (Ходжаевга),
Адлия вазирлиги (Давлетовга), тасарруфида олий таълим муассасалари бўлган
вазирлик ва идоралар раҳбарларига

Ҳар бир олий таълим муассасасининг фаолиятини такомиллаштиришга доир “Йўл хариталари”ни тасдиқлаш юзасидан Ҳукумат қарорлари лойиҳаларини ишлаб чиқиш учун Республика ишчи гуруҳи, олий таълим муассасаларининг хусусиятларидан келиб чиққан ҳолда тармоқ ишчи гуруҳлари таркиблари шакллантирилсин, масъуллар ва муддатлар белгиланиш графиклар ишлаб чиқилсин ҳамда тасдиқлаш учун Вазирлар Маҳкамасига киритилсин.

Муддат-2018 йил 10 ноябрь

К.С. Ризаевга, А.А. Джурабаевга, М.Б. Жуманиязовга, С.М. Абдуллаевга, Ш.А. Абидовга,
Р.А. Гулямовга, Б.Б. Сиднқовга, З.З. Саидовга, И.Р. Маҳкамовга, Д.И. Каландаровга

2018 йил “3” ноябрь
14/1-4038-сон



А.Арипов

05.11.2018



**ЎЗБЕКИСТОН РЕСПУБЛИКАСИ ПРЕЗИДЕНТИ
АДМИНИСТРАЦИЯСИ РАЎБАРИ**

**РУКОВОДИТЕЛЬ АДМИНИСТРАЦИИ
ПРЕЗИДЕНТА РЕСПУБЛИКИ УЗБЕКИСТАН**

Ўзбекистон Республикаси Бош вазири А.Н.Ариповга

Ўзбекистон Республикаси Президентининг
маслаҳатчилари А.А.Абдувахитов, Р.С.Хакимовга

Вазирлар Маҳкамаси - Жа.Кучқоров, С.Р.Холмуродов,
А.А.Абдухакимовга

Ҳисоб палатаси раиси М.М.Икрамовга

Олий ва ўрта махсус таълим вазирлиги (Маджидовга)

**Қорақалпоғистон Республикаси Жуқорғи Кенгеси ва
Вазирлар Кенгаши Раислари, вилоятлар ва Тошкент
шаҳар ҳокимликларига**

Вазирлик ва идоралар раҳбарларига (*рўйхат бўйича*)

Ўзбекистон Республикаси Президентига ахборот берилди.

Баёнда белгиланган топшириқлар ижросини, шу жумладан ҳар бир олий таълим муассасалари бўйича ривожланиш истиқболларини белгилаш, замонавий ахборот-коммуникация технологиялари ва инновацион фаолиятни жорий этишга қаратилган “Йул харита”ларини ўз муддатида ишлаб чиқиш ва сифатли бажарилишини таъминлаш бўйича тизимли чоралар кўрилсин.

А.Даминовга – назорат

2018 йил «02» ноябрь
№ 19598-хх

Маҳкамаси
Бўлим

З.Низомидинов

**Ўзбекистон Республикаси Президент Ш.М.Мирзиёев хузурида
2018 йил 24 октябрь куни олий таълим соҳасини янада ривожлантириш
масалаларига бағишлаб ўтказилган мажлис**

Б А Ё Н И

Раислик қилувчи: Ш.М.Мирзиёев - Ўзбекистон Республикаси
Президенти

Қатнашганлар: Ўзбекистон Республикаси Бош вазири, Ўзбекистон Республикаси Президенти Администрацияси раҳбари, Ўзбекистон Республикаси Президенти маслаҳатчилари, Ўзбекистон Республикаси Бош вазири ўринбосари, Ўзбекистон Республикаси Президенти маслаҳатчисининг ўринбосари, Ўзбекистон Республикасининг Россия Федерациясидаги Фавкуллда ва мухтор элчиси, вазирликлар ва идораларнинг раҳбарлари, олий таълим муассасаларининг ректорлари *(рўйхат бўйича)*

Олий таълим соҳасини янада ривожлантириш, юкори малакали кадрлар тайёрлаш сифатини ошириш, илм-фап ва ишлаб чиқариш соҳаси уртасидаги интеграцияни кенгантириш бўйича ишлар натижадорлигини янада ошириш чора-тадбирлари тугрисида

(Мирзиёев, Арипов, Низомиддинов, Абдувахитов, Қосимов, Абдухакимов, Мажидов, Содиқов, Кудбиев, Асадов, Мирзиёев)

Қайд этилсинки, сўнгги икки йил мобайнида республикамызда олий таълим тизимини ривожлантириш ва таълим сифатини янада ошириш бўйича бир қатор дастурий чора-тадбирлар қабул қилиниб, изчил амалга ошириб келинмоқда.

Жумладан, янги 13 та олий таълим муассасаси ташкил этилиб, умумий қабул квоталари утган йилгига нисбатан 30 фоизга оширилди, шунингдек талабалikka қабул қилишнинг шаффоф ва очиқ тизими яратилди. Халқаро тажрибалар асосида илқ бор олий таълим муассасаларининг миллий рейтингини эълон қилинди.

Шу билан бирга, олий таълим муассасаларида таълим сифатини ошириш, таълим жараёнига замонавий ахборот технологиялари ва инновацияларни кенг жорий этиш, илмий тадқиқотлар ва ишлаб чиқариш соҳасини интеграция қилиш бўйича ишлар натижадорлиги хали етарли эмас.

Шунингдек, республикамыз олий таълим муассасаларининг халқаро майдондаги нуфузини талаб даражасига олиб чиқиш қийин кечмоқда.

Кун тартибидаги масалалар бўйича берилган ҳисоботлар, билдирилган таклиф ва фикр-мулоҳазаларни муҳокама этиб, мажлис қарор қилади:

1. Ўзбекистон Республикаси Бош вазири уринбосари А.Абдухакимов, Олий ва ўрта махсус таълим вазирлиги (Мажидов), Ихтисодиёт вазирлиги (Хужаев) ва Молия вазирлиги (Қўчқоров) билан биргаликда олий ва ўрта махсус таълим тизимини тубдан такомиллаштириш бўйича 2019-2021 йилларга мулжалланган концепция лойиҳасини **икки ой муддатда** ишлаб чиқсин ва белгиланган тартибда ахборот берсин.

2. Бош вазир ўринбосари А.Абдухакимов Олий ва ўрта махсус таълим

вазирлиги (Мажидов), Иктисодиёт вазирлиги (Хужаев), Молия вазирлиги (Қўчқоров), Адлия вазирлиги (Давлетов), олий таълим муассасалари ректорлари билан биргаликда ҳар бир олий таълим муассасасининг фаолиятини такомиллаштиришга доир **“йул хариталарини”** тасдиқлаш юзасидан Ҳукумат қарорлари лойиҳаларини ишлаб чиқиш учун бир ҳафта муддатда Республика ишчи ғуруҳи таркибини, қарор лойиҳаларини ишлаб чиқиш буйича масъуллар ва муддатларни белгилаган ҳолда тасдиқласин.

Бунда, республикада фаолият юритаётган ҳар бир олий таълим муассасаси бўйича ишлаб чиқиладиган **“йул харита”**сида ушбу муассасанинг фаолият соҳаси, ҳудудий жойлашув хусусияти ва иш берувчилар эҳтиёжидан келиб чиқиб, укув дастурларини тубдан такомиллаштириш, ўқув жараёнига замонавий ахборот технологияларини жорий этиш, педагоглар малакасини ошириш, илмий-инновацион ишланмаларни яратиш ва амалиётга жорий этишни фаоллаштириш, моддий-техника базасини мустаҳкамлаш, халқаро ҳамкорлик алоқаларини йулга қўйиш ва кучайтириш каби чора-тадбирлар назарда тутилсин.

3. Олий ва ўрта махсус таълим вазирлиги (Мажидов), тасарруфида олий таълим муассасалари мавжуд вазирликлар ва идоралар, Ахборот технологиялари ва коммуникацияларини ривожлантириш вазирлиги (Содиқов):

бир ой муддатда олий таълим муассасалари ўқув жараёнига замонавий ахборот технологияларини ва масофавий ўқув курсларини амалиётга кенг жорий этиш бўйича **“йул харитаси”**ни тасдиқласин;

икки ой муддатда олий таълим муассасаларидаги ўқув аудиторияларини видеокузатув камералари билан жиҳозлаш, олий таълим муассасаларини юқори тезликдаги Интернет тармоғи билан таъминлаш, олий таълим муассасалари фаолияти бошқарувига ахборот технологияларини кенг жорий этиш бўйича аниқ манзилли дастурни ишлаб чиқсин ва тасдиқласин. Бунда, Молия вазирлиги билан биргаликда мазкур дастурий амалга оширишнинг молиявий манбалари аниқ белгилансин;

4. Бош вазир ўринбосари А.Абдухакимов, Олий ва ўрта махсус таълим вазирлиги (Мажидов), Ташқи ишлар вазирлиги (Камилов):

республика олий таълим муассасалари ҳамда Япония, Хитой, Корея, Туркия, Россия, Европа Иттифоқи давлатларининг олий таълим муассасалари ўртасида икки томонлама ҳамкорликни ривожлантириш, архитектура-қўрилиш, тиббиёт, ахборот-коммуникация технологиялари, қишлоқ хўжалиги ва қишлоқ хўжалиги махсулотларини қайта ишлаш технологиялари ҳамда техника йўналишларида филиаллар ва факультетларни ташкил этиш, қўшма дастурларни амалга ошириш (олий таълим муассасаси ихтисослиги, филиални жойлаштириш учун бино ва иншоотларни белгилаган ҳолда), шуниингдек истиқболда олий таълим тизимини ривожлантиришга бағишланган соҳавий олий таълим муассасалараро форумларни ўтказиш юзасидан тегишли вазирликлар ва идоралар, хорижий ҳамкорлар билан биргаликда музокаралар утказсин ва натижалари бўйича мунтазам равишда (ҳар чорақда камида бир марта) асосланган таклифлар киритиб борсин;

республика олий таълим тизимини Марказий Осиёдаги **“таълим хаби”**га айлантириш мақсадида уч ой муддатда олий таълим муассасаларида таълим сифатини ошириш, илмий-тадқиқот фаолиятини ривожлантириш ва хорижий талабалар сонини оширишга йўналтирилган **“Олий таълим муассасаларининг жозибadorлигини ошириш концепцияси”** лойиҳасини ишлаб чиқсин ва белгиланган тартибда ахборот берсин;

Инвестициялар бўйича давлат кўмитаси (Бекенов) билан биргаликда Сурхондарё вилоятидаги “Афганистан фукароларини уқитиш таълим маркази” фаолияти самарадорлигини янада ошириш мақсадида потенциал самадорлар (донорлар) билан музокаралар олиб борсин ва уч ой муддатда асосланган таклифлар ишлаб чиқиб, белгиланган тартибда ахборот берсин.

5. Олий ва ўрта махсус таълим вазирлиги (Мажидов), олий таълим муассасалари ректорлари:

бир он муддатда Россия Федерацияси олий таълим муассасалари билан эришилган келишувлар асосида ўларнинг профессор-ўқитувчиларининг талабалар учун “онлайн” тизимда маъруза ва амалий машғулотлар ўтказиш режасини ишлаб чиқсин ва ижросини таъминласин;

Россия Федерациясининг олий таълим муассасалари билан тузилган ҳамкорлик шартномаларини ўз вақтида ва сифатли ижросини таъминлаш чораларини кўрсин.

6. Олий ва ўрта махсус таълим вазирлиги (Мажидов), “Эл-юрт умиди” жамғармаси (Бекмурадов), олий таълим муассасалари ректорлари икки ой муддатда:

Россия Федерацияси ва бошқа ривожланган давлатларнинг етакчи олий таълим ва илмий-тадқиқот муассасаларида ҳар йили республика олий таълим муассасаларининг салохияти ва илмий-педагогик кадрлари сонига мувофик ёшларни докторантура, аспирантура ва магистратурада ўқитиш ёки ҳимояларшш ўтказиш бўйича аниқ манзилли дастурни ишлаб чиқсин, ижросини таъминласин ва назоратга олсин;

олий таълим муассасалари раҳбар ва педагог кадрларини қайта тайёрлаш ва малақасини ошириш кўрсаларининг ўқув жараёнларига хорижий мутахассислар, олимлар ва ўқитувчиларни тизимли равишда жалб этиш режасини ишлаб чиқсин ва ижросини таъминласин;

олий таълим муассасалари раҳбар ва педагог кадрларини қайта тайёрлаш ва малақасини ошириш кўрсаларида дарс бераётган профессор-ўқитувчиларнинг ривожланган хорижий давлатлар етакчи олий таълим ва илмий муассасаларида малақасини ошириш режа-графикларини ишлаб чиқсин ва ўларнинг ижросини таъминласин.

7. Бош вазир ўринбосари А. Абдухакимов, Таълим сифатини назорат қилиш давлат инспекцияси (Ташкенбаев), Давлат тест маркази (Каримов), Олий ва ўрта махсус таълим вазирлиги (Мажидов) бир ой муддатда республиканинг олий таълим ва малақа ошириш тизимларида масофавий ўқитиш услублари ва технологияларини кенг жорий этиш бўйича чора-тадбирларни ишлаб чиқиб, тасдиқласин.

8. Таълим сифатини назорат қилиш давлат инспекцияси (Ташкенбаев):

хорижда тахсил олаётган ёшларнинг ватанига қайтиб келишига шарт-шароитлар яратиш мақсадида хорижий олий таълим муассасалари дипломларини тан олиш ва нострификациялаш тартибини такомиллаштириш бўйича таклифларни икки **ҳафта муддатда** Вазирлар Маҳкамасига киритсин;

2018 йил 1 декабрга қадар жахондаги етакчи рейтинг агентликлари методологияси асосида амалдаги олий таълим муассасалари рейтингини аниқлаш методикасини такомиллаштириш бўйича чоралар кўрсин;

2018 йил 1 майга қадар олий таълим муассасаларининг рейтингини

тақомиллаштирилган методика асосида баҳоласин ва ўларнинг янгиланган миллий рейтингини тасдиқлаш учун Вазирлар Маҳкамасига киритсин.

9. Олий ва ўрта махсус таълим вазирлиги (Мажидов) тасарруфида олий таълим муассасалари бўлган вазирликлар ва идоралар, олий таълим муассасалари ректорлари билан биргаликда **2018 йил 1 декабрга қадар** республика олий таълим муассасаларининг фаолиятини ёритишга қаратилган замонавий кўринишдаги, сифатли ишланган веб-сайтларни ва тарқатма материалларни (буклетлар, видеороликлар, қисқа мазмундаги проспектлар) шакллантириш (ўзбек, рус, инглиз тилларида, шунингдек, ҳамкор хорижий олий таълим муассасаларининг давлат тилида) чораларини кўрсин ҳамда хорижий фуқароларни республика таълим Муассасаларига (жумладан, бакалаврият, магистратура, докторантурага) жалб этиш юзасидан, зарур ҳолларда, хорижга хизмат сафарига чиққан ҳолда тарғибот ишларини олиб борсин.

Бунда, олий таълим муассасаларининг янгиланган веб-сайтлари ҳолати бўйича Олий ва ўрта махсус таълим вазирлиги томонидан мунтазам мониторингини ўрнатсин.

10. Олий ва ўрта махсус таълим вазирлиги (Мажидов), Халқ таълими вазирлиги (Шерматов) олий таълим муассасаларига билимли ва илмий фаолиятга қизиқиши юқори бўлган ёшларни тайёрлаш мақсадада салоҳияти юқори бўлган олий таълим муассасалари ҳузурида айрим фанларга ихтисослаштирилган давлат умумий ўрта таълим мактабларини ташкил этиш бўйича бир ой муддатда Вазирлар Маҳкамасига таклиф киритсин.

11. Таълим сифатини назорат қилиш давлат инспекцияси (Ташкеноаев), Олий ва ўрта махсус таълим вазирлиги (Мажидов), тегишли вазирликлар ва идоралар билан биргаликда **икки ой муддатда** олий таълим муассасаларини аттестация дан утказиш ва аккредитациялаш жараёини тақомиллаштиришга қаратилган Ҳукумат қарори лойиҳасини ишлаб чиқсин ва Вазирлар Маҳкамасига киритсин.

Бунда битирувчиларнинг билими, иш берувчиларнинг талаблари ва муассасанинг халқаро таълим тизимига интеграциялашуви ҳолати каби баҳолаш кўрсаткичлари назарда тутилсин ҳамда таълим сифатини таҳлил қилиш ва назорат қилиш, бу борадаги масалалар ечими бўйича қарор қабул қилиш олий таълим муассасалари томонидаи амалга оширилиши юзасидан аниқ чоралар белгилансин.

12. Олий ва ўрта махсус таълим вазирлиги (Мажидов) вазирликнинг янги вазифаларига мослаштарилган ташкилий тузилмасини ва ҳар бир раҳбар масъулияти белгиланганлиги Низомини тасдиқлаш бўйича тегишли қарор лойиҳасини бир ой муддатда ишлаб чиқсин ва Вазирлар Маҳкамасига белгиланган тартибда киритсин.

13. Олий ва ўрта махсус таълим вазирлиги (Мажидов), Молия вазирлиги (Кўчқоров) билан биргаликда Олий ва ўрта махсус таълим вазирлиги марказий аппарати ва унинг тасарруфидаги ташкилотлар ходимларининг ойлик маошлари миқдорларини қайта кўриб чиқсин.

Бунда:

ойлик маошларини олий таълим муассасалари раҳбар ходимларининг базавий лавозим маошларидан кам булмаган миқдорларда белгилаш;

Олий ва ўрта махсус таълим вазирлиги марказий аппарати ходимларига таълим тизимида хизмат қилган йиллари ва илмий даражалари учун давлат

бюджети ҳисобидан алоҳида фоидали устамалар белгилаш;

ходимларнинг ойлик маошларига кўшимча ва устамалар белгилаш ва рағбатлантириш учун манбалардан бири сифатида Олий ва ўрта махсус таълим вазирлигининг Олий таълим муассасаларини ривожлантириш жамғармаси маблағларидан фойдаланиш назарда тутилсин.

14. Олий ва ўрта махсус таълим вазирлиги (Мажидов), Молия вазирлиги (Қўчқоров), олий таълим муассасаларининг бакалавриати ва магистратурасида тулов-контракт асосида таълим олаётган талабаларнинг шартномада курсатилган маблағларни тўлаш муддатини олий таълим муассасалари ректорлари (Филиаллар директорлари) томонидаи белгиланишини назарда тутувчи таклифларни бир ой муддатда Вазирлар Маҳкамасига киритсин.

15. Бош вазир ўринбосари А.Абдухақимов, Олий ва ўрта махсус таълим вазирлиги (Мажидов), Молия вазирлиги (Қўчқоров) **икки ой муддатда** олий таълим муассасалари ректорлари (филиаллар директорлари)га бўйсунувига. кўра вазирликлар ёки идоралар билан келишган ҳолда. олий таълим муассасаси ташкилий тузилмасига штатлар нормативига мувофиқ тегишли ўзгартириш ва қўшимча қиритиш ҳуқуқи бериш бўйича таклиф киритсин.

16. Олий ва ўрта махсус таълим вазирлиги (Мажидов), Молия вазирлиги (Қўчқоров) билан биргаликда республика олий таълим муассасалари билан узаро келишув ва кўшма таълим дастурлари бўйича кадрлар тайёрлашни йўлга қўйган хорижий олий таълим муассасаларига солиқ имтиёзлари бериши юзасидан бир ой муддатда Вазирлар Маҳкамасига таклиф киритсин.

17. Олий ва ўрта махсус таълим вазирлиги (Мажидов), Халқ таълими вазирлиги (Шерматов), Бандлик ва меҳнат муносабатлари вазирлиги (Кудбиев), Адлия вазирлиги (Давлетов), Молия вазирлиги (Қўчқоров) билан биргаликда **икки ой муддатда** таълим муассасаларида ўқув машғулотларини ўтказганлик учун меҳнатга соатбай ҳақ тўлаш миқдорларини олий ва ўрта махсус, умумий ўрта таълим муассасалари педагоглари базавий лавозим маошларига мос равишда белгиланиши юзасидан таклифлар киритсин.'

18. Олий ва ўрта махсус таълим вазирлиги (Мажидов), Инновацион ривожланиш вазирлиги (Абдурахмонов), Фанлар академияси (Юлдашев) илмий-тадқиқот ишларини амалга ошириш қобилятига эга, хорижий илмий журналларда илмий мақола чоп этган магистратура битирувчиларни кейинчалик олий таълим муассасаларида камида 5 йил педагогик фаолият олиб бориш шarti билан таянч докгрантурага имтиёзли қабул қилиш бўйича **бир ой муддатда** Вазирлар Маҳкамасига таклиф киритсин.

19. Олий ва ўрта махсус таълим вазирлигига Ўзбекистон ва хорижий олий таълим муассасаларининг кўшма таълим дастурлари бўйича кадрлар тайёрлашга дойр узаро келишувларини асос сифатида қабул қилган ҳолда, зарур ҳолларда кўшма таълим дастури асосида кадрлар тайёрлаш йўлга қўйилган олий таълим муассасаларида кўшма факультетлар ташкил этишга ва олий таълим муассасасининг ташкилий тузилмасига қиритишга рухсат берилсин.

Шундай тартиб ўрнатилсинки, унга кўра Ўзбекистон ва хорижий олий таълим муассасаларининг ўзаро келишуви ва кўшма таълим дастурлари, жумладан кўшма факультет доирасида талабаларни қабул қилиш тартиби, тўлов-контракт асосида ўқитиш қиймати ҳамда маҳаллий ва хорижий профессор-ўқитувчилар меҳнатига ҳақ тўлаш миқдорлари ҳамкор хорижий олий таълим муассасалари билан келишув асосида, қабул квоталари ҳамда таълим йўналишлари ва мутахассисликлар ҳамкор хорижий олий таълим муассасалари,

буйсунуви бўйича вазирликлар ёки идоралар ҳамда Олий ва ўрта махсус таълим вазирлиги билан келишув асосида олий таълим муассасаси томонидаи мустақил белгиланади.

20. Олий ва ўрта махсус таълим вазирлиги (Мажадов) **икки ой муддатда**:

Иқтисодиёт вазирлиги (Ходжаев), Молия вазирлиги (Қўчқоров), Бандлик ва меҳнат муносабатлари вазирлиги (Кудбиев) билан биргаликда олий маълумотли мутахассислар тайёрлашнинг давлат буюртмасини шакллантиришнинг такомиллашган тартибини ишлаб чиқсин ва Вазирлар Маҳкамасига қиритсин;

Иқтисодиёт вазирлиги (Ходжаев), Давлат тест маркази (Каримов), Молия вазирлиги (Қўчқоров), тасарруфида олий таълим муассасалари бўлган вазирликлар ва идоралар билан биргаликда олий таълим муассасаларига талабалар қабулининг соддалашган тизимини ишлаб чиқиш ҳамда жорий этиш орқали, қабул жараёнини давлат буюртмаси ва табакалашган тулов-контракт тизимига ўтказиш ҳамда қабул курсаткичларини олий таълим муассасалари таклифлари ва меҳнат бозори талаблари асосида Олий ва ўрта махсус таълим вазирлиги билан келишилган ҳолда белгилаш бўйича Вазирлар Маҳкамасига асосланган таклифларни қиритсин.

21. Олий ва ўрта махсус таълим вазирлиги (Мажидов), Адлия вазирлиги (Давлетов) билан биргаликда “Олий таълим тизимида магистратура фаолиятини янада такомиллаштириш чора-тадбирлари туғрисида”ги Ҳукумат қарори лойиҳасини Вазирлар Маҳкамасига қиритшни тезлаштириш чораларини кўрсин.

22. Олий ва ўрта махсус таълим вазирлиги (Мажидов), Халқ таълими вазирлиги (Шерматов) билан биргаликда республика вилоятлари ўқувчи-ёшларининг интеллектуал салоҳиятларини намоён этишларига қушимча шароитлар яратиш ва уларни қўллаб-қувватлаш мақсадида вилоятлардаги давлат университетлари томонидан вилоят умумтаълим мактабларининг битирувчи синфлари ўқувчилари учун ҳар йили математика, физика, кимё ва биология фанларидан ҳар бир туманда алоҳида-алоҳида Университет олимпиадаси ўтказиб борилишини йўлга қуйиш, бунда туманлар микёсида ўтказиладиган. Университет олимпиадасида 1, 2, 3-уринни эгаллаган ўқувчиларни олий таълим муассасаларига жалб этиш механизмларини ишлаб чиқсин ва бир ой муддатда Вазирлар Маҳкамасига таклиф қиритсин.

23. Олий ва ўрта махсус таълим вазирлиги (Мажидов) халқаро қуфузи юқори илмий журналларда мақола чоп этган муаллифларга олий таълим муассасаларининг Инновация фонди хисобидан бир йил давомида ойлик маошига 25 фоизгача устама ҳақ тўлаш тартибини жорий этиш бўйича бир ой муддатда Вазирлар Маҳкамасига таклифлар қиритсин.

24. Олий ва ўрта махсус таълим вазирлиги (Мажидов), Инновацион ривожланиш вазирлиги (Абдурахмонов), Матбуот ва ахборот агентлиги (Тангриев) республика олий таълим тизимидан илмий журналларни халқаро микёсда эътироф этилишини таъминлаш бўйича Харакатлар дастурини **икки ой муддатда** ишлаб чиқсин ҳамда Вазирлар Маҳкамасига тасдиқлаш учун қиритсин.

25. Олий таълим муассасалари ректорлари:

республикада амалга оширилаётган ислохотларнинг мазмун-моҳиятини кенг жамоатчиликка етказиш, ёшлар тарбиясини самарали ташкил этиш;

ҳар бир ректор ўзининг олий таълим муассасасида дарё бериш, талабалар билан тизимли учрашувлар ўтказиб бориш, докторант ва мустақил

тадқиқотчиларнинг илмий ишларни олиб боришларига тегишли шароитларни яратиш;

талабаларни илмий фаолиятга йуналиштириш, уларда инновацион фикрлашни шакллантириш, ўқув жараёни сифати ва самарадорлигини таъминлаш, илмий салоҳиятни ошириш учун шахсан масъул эканлиқлари белгилаб кўйилсин.

Инновацион ривожланиш вазирлиги (Абдурахмонов), Олий ва ўрта махсус таълим вазирлиги (Мажидов), фанлар академияси (Юлдашев), Молия вазирлиги (Кўчқоров) ёшларни илмий фаолиятга кенг жалб этиш учун кўшимча шароитлар яратиш, республикада илмий салоҳиятни ошириш мақсадида таянч докторантурага қабул квоталарини магистратура қабул квоталарининг миқдори билан мувофиқлаштириш, таянч докторантларга илмий раҳбарлик қилиш сони чегарасини кўриб чиқиш, таянч докторантурага қабул квоталарини вазирлик ва идоралар томонидан шакллантириш ва тақсимлаш тартабини жорий этиш бўйича **бир ой муддатда** Вазирлар Маҳкамасига таклиф қиритсин.

27. Олий ва ўрта махсус таълим вазирлиги (Мажидов), Молия вазирлиги (Кўчқоров), Инвестициялар бўйича давлат кўмитаси (Бекенов) билан биргаликда хорижий экспертларни жалб этган ҳолда, танланган олий таълим муассасаларини истиқболда босқичма-босқич ўзини ўзи молиялаштириш тизимига утиш юзасидан **уч ой муддатга** асосланган таклифлар чшлаб чиқсин ва Вазирлар Маҳкамасига киритсин.

28. Олий ва ўрта махсус таълим вазирлиги (Мажидов), Молия вазирлиги (Кўчқоров) олий таълим муассасаларининг бюджетдан ташқари маблағлари, жумладан оширилган контрактдан тушган маблағлар доирасида бевосита олий таълим муассасалари ва улар ҳузуридаги илмий-тадқиқот муассасалари томонидан олиб қириладиган замонавий ахборот технологиялари воситалари, ўқув ва илмий лабораториялар ҳамда сарфланадиган лаборатория материалларни (бутловчи материаллар, реактивлар, кимёвий идиш, биологик материаллар ва объектлар) Вазирлар Маҳкамаси томонидан тасдиқланадиган рўйхат бўйича божхона туловларидан (божхона расмийлаштируви йиғимлари бундан мустасно) озод этиш юзасидаи **уч ой муддатда** Вазирлар Маҳкамасига таклиф киритиш.

29. Касб-ҳунар таълими тизимини янада такомиллаштиришни мувофиқлаштириш Республика комиссияси (Абдухакимов) Олий ва ўрта махсус таълим вазирлиги (Мажидов) билан биргаликда республика олий таълим муассасаларининг моддий-техника базасини мустаҳкамлаш истиқболда ёшларни олий таълим билан қамраб олишни сезиларли даражада ошириш, олий таълим муассасаларининг филиалларини республика ҳудудларида ташкил этиш мақсадида уларга фаолияти тугатилаётган касб-ҳунар коллежларининг бино-иншоотларини оператив бошқарув ҳуқуқи асосида бепул бериш юзасидан **икки ой муддатда** таклифлар ишлаб чиқсин ва Вазирлар Маҳкамасига киритсин.

30. Олий ва ўрта махсус таълим вазирлиги (Мажидов) тасарруфида олий таълим муассасалари бўлган вазирликлар ва идоралар билан биргаликда олий таълимга сифатли ва замонавий билимларга эга булган ёшларни саралаш (селекция қилиш) тизимини янада такомиллаштириш мақсадида олий таълим муассасалари ҳузуридаги академик лицейларга республика ҳудудларидан иқгидорли ўқувчиларни қабул қилиш тизимини жорий этиш юзасидан хорижий тажрибаларни ўрганган ҳолда, асосланган таклифлар ишлаб чиқсин ва **уч ой муддатда** Вазирлар Маҳкамасига киритсин.

31. Олий ва ўрта махсус таълим вазирлиги (Мажидов), Мактабгача таълим вазирлиги (Шин) мактабгача таълим соҳасида илмий салоҳиятни шакллантириш мақсадида мактабгача таълим йуналиши буйича қайта тайёрлаш курсларини тамомлаган, таянч маълумоти педагог бўлган битирувчиларга, истисно тариқасида, мактабгача таълим мутахассислиги магистратурасига ўқишга киришга руҳсат бериш бўйича **бир ой муддатда** Вазирлар Маўқамасига таклиф қиритсин.

32. Касб-хунар таълими тизимини янада такомиллаштиришни мувофиқлаштириш Республика комиссияси (Абдухакимов), Иқтисодиёт вазирлиги (Ходжаев), Олий ва ўрта махсус таълим вазирлиги (Мажидов, Холмухамедов), Бандлик ва меҳнат муносабатлари вазирлиги (Кудбиев) билан биргаликда касб-хунар таълими тизимининг моддий-техника базасидан самарали фойдаланиш мақсадида **бир он муддатда** иқтисодиётнинг ривожланиш истиқболлари ва устувор вазифаларни, меҳнат бозоридаги ўрта бўғин мутахассис кадрларига булган эҳтиёжни ҳисобга олган ҳолда, тегишли малака даражаларини белгиловчи янги табақалаштирилган таълим муассасалари тармогини ташкил этиш бўйича Вазирлар Маўқамасига таклиф қиритсин.

Бу борада, янги табақалаштирилган таълим муассасалари тармогини ташкил этишда ривожланган мамлакатларнинг халқаро стандартларини инобатга олган ҳолда асосланган таклифлар ишлаб чиқилсин.

33. Олий ва ўрта махсус таълим вазирлиги (Мажидов, Холмухамедов) тегишли вазирликлар ва идоралар билан биргаликда олий таълим муассасалари раҳбар ва педагог кадрларини қайта тайёрлаш ва малакасини ошириш марказлари, касб-хунар таълими тизимини инновацион ривожлантириш, педагог кадрларнинг малакасини ошириш ва қайта тайёрлаш институтида таълим тизимида сифат кўрсаткичларини оширишга хизмат кўрсатувчи, методик ва ахборот таъминот билан шуғулланувчи тузилмаларида фаолият кўрсатаётган бошқарма (бўлим) бошлиқлари, методистлар, ва бошқа ходимларни мувофиқ равишда олий таълим муассасаларининг доцентлари, хатта ўқитувчилари ва ассистентлари мақомига тенглаштириш бўйича **бир ой муддатда** Вазирлар Маўқамасига таклиф қиритсин.

34. Олий ва ўрта махсус таълим вазирлиги (Мажидов), Бандлик ва меҳнат муносабатлари вазирлиги (Кудбиев) тегишли вазирлик ва идоралар билан биргаликда касб-хунар таълими янги тизимининг давлат таълим стандарти, ўқитиш муддатлари бўйича касблар ва мутахассисликлар рўйхати ва касб-хунар таълимининг йуналишлари, мутахассисликлари ва касблари классификаторини ишлаб чиқсин ва **2019 йил 1 мартга қадар** Вазирлар Маўқамасига қиритсин.

35. Бош вазир ўринбосари А.Абдухакимов Олий ва ўрта махсус таълим вазирлиги (Мажидов, Холмухамедов), Тошкент шаҳар ҳокимлиги (Артиқходжаев), Қорақалпоғистон Республикаси Вазирлар Кенгаши ҳамда вилоятлар ҳокимликлари билан биргаликда республика ҳудудида фаолияти тугатилаётган касб-хунар коллежлари рўйхатини аниқласин ва истиқболда нуфузли хорижий олий таълим муассасаларининг филиалларини ташкил этиш учун ушбу касб-хунар коллежларининг бино ва иншоотларини давлат- хусусий шериклик асосида бериш мақсадида йирик сармоядорлар ва ишбилармонлар билан учрашувлар ўтказсин қамда **уч ой муддатда** Вазирлар Маўқамасига асосланган таклифлар қиритсин.

36. Бош вазир ўринбосари А.Абдухакимов, Фанлар академияси (Юлдашев), Инновацион ривожланиш вазирлиги (Абдурахмонов), Олий ва ўрта махсус таълим вазирлиги (Мажидов):

халқаро илмий-техник маълумотлар базаларида республика олий таълим ва илмий-тадқиқот муассасаларини тегишли профилларини очиш ҳамда уларнинг ахборот ресурсларини тўлақонли шакллантириш юзасидан амалий ишларни йўлга қўйсин;


Молия вазирлиги (Қўчқоров), Инвестициялар бўйича давлат кумитаси (Бекенов) билан биргаликда республика олий таълим муассасалари халқаро рейтинг агентликлари томонидаи тан олишишини таъминлаш мақсадида “Олий таълим муассасаларини халқаро рейтингларга қиритиш чора-тадбирлари туғрисида”ги дастурни **2019 йил 1 апрелга қадар** ишлаб чиқсин ҳамда Вазирлар Маҳкамасига қиритсин.

Бунда, дастурни амалга ошириш билан боғлиқ харажатларни коплаш мақсадида Олий ва ўрга махсус таълим вазирлиги хузурида давлат бюджетидан молиялаштириладиган махсус жамгарма ташкил этилиши назарда тутилсин.

37. Ушбу Баён бандлари ижроси учун масъул вазирликлар, идоралар ва маҳаллий давлат ҳокимияти органлари раҳбарлари амалга оширилган ишлар юзасидан мунтазам равишда Вазирлар Маҳкамасига ва Ҳисоб палатасига батафсил ҳисобот бериб борсин.

38. Ушбу мажлис баёнининг ижросини назорат қилиш Ўзбекистон Республикаси Бош вазири А.Арипов, Ўзбекистон Республикаси Президентининг маслаҳатчиси А.Абдувахитов ва Ҳисоб палатаси раиси М.Икрамов зиммасига юклансин.

Ўзбекистон Республикасининг
Бош вазири

 А.Арипов


2018 йил «25» октябрь

Ўзбекистон Республикасининг
Президентининг маслаҳатчиси

 Р.Қасимов


2018 йил «25» октябрь

Ўзбекистон Республикасининг
Президентининг маслаҳатчиси

 А.Абдувахитов

2018 йил «25» октябрь

Ўзбекистон Республикасининг
Бош вазирининг ўринбосари

 А.Абдурахимов

2018 йил «25» октябрь